



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-03/1-04-50116-1/22
Sarajevo, 25.12.2023. godine

VLADA KANTONA SARAJEVO
-ovdje-

PREDMET: Odgovor na zastupničku inicijativu, dostavlja se
Veza: Vaš akt broj 16-04-50116/22 A.Č. od 06.12.2023. godine,

Poštovani,

Ministarstvo za rad, socijalnu politiku, raseljena lica i izbjeglice Kantona Sarajevo je zaprimilo Vaš akt broj gornji u kojem nam dostavljate inicijativu Alme Kratina, zastupnice u Zastupničkom domu Parlamentu Federacije Bosne i Hercegovine, a koje se odnosi na "postupanje subjekata zaštite kada su u pitanju slučajevi okrutnog nasilja sa smrtnim ishodom, u slučaju ubistva Emire Maslan". Isti smo dostavili Javnoj ustanovi "Kantonalni centar za socijalni rad" Sarajevo na izjašnjenje, te tako objedinjeno uputili prema Federalnom ministarstvu rada i socijalne politike.

U prilogu Vam dostavljamo kopiju navedenog dopisa.

S poštovanjem,

Prilog: kao u tekstu

Pripremila: Iman Čehić, stručna saradnica

Kontrolisali: Smaragda Lučkin, šefica Odjeljenja

Miralem Dedović, pomoćnik ministrice

**PO OVLASTENJU MINISTRICE
SEKRETARKA MINISTARSTVA**

Amir Zuckić

Dostaviti:
-Naslovu,
-a/a.





Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-03/1-04-50720-1/23
Sarajevo, 12.12.2023. godine

FEDERALNO MINISTARSTVO RADA I SOCIJALNE POLITIKE
Ul. Hamdije Čemerlića broj 2
71000 Sarajevo

PREDMET: Odgovor na zastupničku inicijativu, dostavlja se
Veza: Vaš akt broj 05-02/2-3694/23 od 29.11.2023. godine,

Poštovani,

U skladu sa Vašim aktom, broj i datum gornji kojim tražite dostavljanje odgovora na inicijativu Alme Kratina, zastupnice u Zastupničkom domu Parlamentu Federacije Bosne i Hercegovine zatražili smo mjere koje su poduzete iz okvira nadležnosti Javne ustanove "Kantonalni centar za socijalni rad" Sarajevo, te Vas o istim informišemo kako slijedi:

Postupke vezane za zaštitu žrtve nasilja u porodici, kao i postupke praćenja izrečenih zaštitnih mjera u skladu sa Zakonom o zaštiti od nasilja porodici Federacije BiH, kao i postupke vezane za određivanje sadržaja roditeljskog staranja nad mladb. djetetom žrtve i počinioca nasilja u konkretnom slučaju provodile su Služba socijalne zaštite općine Novo Sarajevo i Služba socijalne zaštite općine Novi Grad.

Žrtvi nasilja je u dva navrata obezbjeđen boravak u Sigurnoj kući sa mladb. djetetom (prvi put u trajanju od dva mjeseca, drugi put u trajanju od jedanaest mjeseci), te joj je nakon drugog boravka u Sigurnoj kući kada je donijela odluku da se osamostali i ne nastavlja život sa nasilnim partnerom u skladu sa Socijalnim programom Vlade Kantona Sarajeva pružena materijalna podrška u vidu plaćanja troškova podstanarstva.

Učiniocu nasilja u porodici u tri navrata su izrečene zaštitne mjere u skladu sa Zakonom o zaštiti od nasilja u porodici Federacije BiH i to : zabrana približavanja žrtvi nasilja u porodici - izvanbračnoj supruzi i zabrana uznemiravanja i uhođenja osobe izložene nasilju - izvanbračne supruge. Navedene mjere su dva puta izrečene u trajanju od 6 (šest) mjeseci, te su jednom produžene za još 6 (šest) mjeseci, a posljednji put su izrečene u trajanju od 24 (dvadeset i četiri) mjeseca). Uposlenici nadležne službe socijalne zaštite u saradnji sa uposlenicima nadležnih policijskih uprava vršili praćenje izrečenih zaštitnih mjera, te su o poštivanju odnosno kršenju izrečenih mjera redovno su izvještavali nadležni sud. Iako se u ranijem periodu u više navrata dešavalo da je počinioc nasilja kršio mjere, te je predlagano da se iste pooštre, promjene ili produže prema izvještajima PU Novi Grad od 20.02.2023.god, 22.06.2023.god, 25.08.2023.god. i 19.10.2023.god. žrtva je izjavljivala da njen bivši izvanbračni partner poštuje izrečene zaštitne mjere.

U prvoj polovini 2022. godine pred Općinskom sudu u Sarajevu vođen je postupak povjere mladb. djeteta iz izvanbračne zajednice predmetnih stranaka. U taj postupak je bila uključena Služba socijalne zaštite općine Novi Grad, te se tokom postupka poštovao princip da se zbog izrečenih zaštitnih mjera učinoc nasilja i



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

1/2

žrtva ne suočavaju. Prema prijedlogu Službe malodobno dijete je presudom Općinskog suda u Sarajevu od 25.01.2023.godine povjereno majci na dalju brigu i staranje, uz ostvarivanje redovnih kontakata sa ocem i obavezu oca da doprinosi njegovom izdržavanju.

Tokom svih naprijed navedenih postupaka žrvi nasilja je pružana psihosocijalna i savjetodavna podrška od strane stručnih uposlenika službi u skladu sa zakonskim nadležnostima i profesionalnim načelima struke i etike pomažućih profesija.

Napominjemo da su uposlenice Službe socijalne zaštite općine Novo Sarajevo, također bile izložene nasilnom ponašanju osobe koje je osumnjičena da je izvršila predmetno ubistvo, te da su podnijele krivičnu prijavu protiv iste osobe, ali je Tužilaštvo Kantona Sarajevo nakon analize spisa predmeta, donijelo naredbu da se istraga neće provoditi.

U okviru sastanaka Stručnih timova i Stručnih kolegija u Službama razmatrana su postupanja stručnih uposlenika službi u svim naprijed navedenim postupcima, te do sada nisu uočeni propusti u postupanju.

S poštovanjem,

Pripremila: Iman Čehić, stručna saradnica
Kontrolisali: Smaragda Lučkin, šefica Odjeljenja
Miralem Dedović, pomoćnik ministrice
Amira Gackić, sekretarka Ministarstva

MINISTRICA

Enda Pavić Pecenković

Dostaviti:
-Naslovu,
-a/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/2